

NOTAT

Salhus 27.08.2020

Våningshuset på Kartveit er ein del av eit tun med våningshus, løe og jordkjellar som skal vere reist midt på 1800-talet. Eine delen av huset skal ha vore flytta frå Sogn og bygd saman med den gamle stova som stod der. Huset er om lag 20m langt og 5 m breidt og har liggande kledning på veggane og torv på taket. I sørvestgavlen og i hjørnet mot sør er det vernemur. Huset er mellom dei best bevarte leinstovene i Radøy og er ein god representant for den typiske byggeskikken på Vestlandet med fleire stover som er sett saman, vernemur på eine kortsida og torv på taket og har med det høg kulturminneverdi.

Det er i dag lekkasje i taket og mønsåsen har roteskader og har gitt etter for takvekta og sige ned. Det er difor naudsynt å fjerne torv, takpapp, sutak og sperr på begge sider slik at ein kjem til og får lagt inn ny mønsås og reparert taket.

Det er viktig at denne skaden vert utbetra snarast slik at ikkje større kulturminneverdiar går tapt.

Tunet og bygningane på Kartveit er i omsynssone i kommuneplanen og er i verneklasse A i kulturminneplan for Radøy. «At eit kulturminne er plassert i verneklasse A vil seia at kommunen vurderer kulturminnet/-miljøet til å ha svært høg verneverdi, og at det dermed er viktig at det vert bevart.»

Arild Sætre

Kulturverntenesta i Nordhordland

Museumssenteret i Hordaland